

5 января, предпраздн РХ, Мучеников, иже в Крите

3-й час

Священник: Благословен Бог наш всегда, ныне и присно, и во веки веков.

Чтец: Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. *(Трижды)*.

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, *(Трижды)*.

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесах, да святится имя Твое, да придет Царствие Твое, да будет воля Твоя, яко на Небесах и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и Слава Отца и Сына и Святого Духа, ныне и присно и во веки веков.

Чтец: Аминь.

Господи, помилуй, *(12 раз)*

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Царю нашему Богу.

Приидите, поклонимся и припадём Христу, Царю нашему Богу.

Приидите, поклонимся и припадём Самому Христу, Царю и Богу нашему.

Псалмы

Псалом 16

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретесе во мне неправда. Яко да не возлаголют уста моя дел человеческих,

5 января, предпраздн РХ, Мучеников, иже в Крите

за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз воззвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мой душу мою одержаша. Тук свой затвориша, уста их глаголаша гордыню. Изгонящие мя ныне обидоша мя, очи свои возложаша уклонити на землю. Объяша мя яко лев готов на лов и яко скимен обитаяй в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея, Господи, от малых от земли, раздели я в животе их, и сокровенных Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, внегда явити ми ся славе Твоей.

Псалом 24

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мой, ибо вси терпящие Тя не постыдятся. Да постыдятся беззаконующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благодати Твоея, Господи. Благ и прав Господь, сего ради законоположит согрешающим на пути. Наставит кроткия на суд, научит кроткия путем Своим. Все пути Господни милость и истина, зыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егоже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои вину ко Господу, яко Той исторгнет от сети нозе мой. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Виждь смирение мое, и труд мой, и остави вся грехи моя. Виждь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобиви и правии прилеплюся мне, яко потерпех Тя, Господи. Избави, Боже, Израиля от всех скорбей его.

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю и грех мой предо мною есть вина. Тебе Единому согреших, и лукавое пред Тобою сотворих, яко да оправдишися во словесах Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и

5 января, предпраздн РХ, Мучеников, иже в Крите

тайная премудрости Твоя явил ми еси. Окропиши мя иссопом, и очищуся, омьёши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая: тогда возложат на олтарь Твой тельцы.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Тропари

Тропарь предпразднства Рождества Христова, глас 4

Готовися, Вифлееме, / отверзися всем, Едеме, / красуйся, Евфрафо, / яко древо живота в вертепе процвете от Девы: / рай бо Она чрево явися мысленный, / в немже Божественный сад, / от негоже ядше, живи будем, / не, якоже Адам, умрем. / Христос раждается прежде падший возставити образ.

Слава Отцу, и Сыну, и Святому Духу.

Тропарь мучеников, иже в Крите, глас 4

Мученицы Твои, Господи, / во страданиях своих венцы прияша нетленные от Тебе, Бога нашего, / имуще бо крепость Твою, мучителей низложиша, / сокрушиша и демонов немощныя дерзости. / Тех молитвами / спаси души наша.

И ныне, и присно, и во веки веков. Аминь.

Богородичен: Богородице, Ты еси лоза истинная, / возрастившая нам Плод живота, / Тебе молимся: / молися, Владычице, со святыми апостолы / помилувати души наша.

Господь Бог благословен, / благословен Господь день дне, / поспешит нам Бог спасений наших, / Бог наш, Бог спасати.

Святой Боже, Святой Крепкий, Святой Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

5 января, предпраздн РХ, Мучеников, иже в Крите

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды).*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и слава Отца и Сына и Святого Духа, ныне и присно и во веки веков.

Чтец: Аминь.

Кондак

Кондак предпразднства Рождества Христова, глас 3

Дева днесь Превечное Слово/ в вертепе грядет родити неизреченно:/ ликуй, вселенная, услышавши,/ прослави со Ангелы и пастырьми/ хотящаго явитися Отроча Младо, Превечнаго Бога.

Господи, помилуй *(40 раз).*

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблаготробне, Иже праведныя любяи и грешныя милуяи, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй *(Трижды).*

Слава Отцу и Сыну и Святому Духу, и ныне и присно и во веки веков. Аминь.

Честнейшую Херувим / и славнейшую без сравнения Серафим, / без истления Бога Слова рождшую, / сущую Богородицу, Тя величаем.

Именем Господним благослови, отче.

Священник: Молитвами святых отец наших, Господи, Иисусе Христе, Боже наш, помилуй нас.

Чтец: Аминь.

5 января, предпраздн РХ, Мучеников, иже в Крите

Молитва святого Мардария

Владыко Бóже О́тче Вседержителю, Гóсподи Сы́не Единорóдный Иисýсе Христé, и Святы́й Ду́ше, Едино́ Божество́, Едина́ Сýла, помíлуй мя, грéшнаго, и íмиже вéси судьба́ми, спаси́ мя, недостóйнаго раба́ Твоего́, я́ко благословéн еси́ во вéки веко́в, амíнь.

6-й час

Чтец: Приидите, поклонимся Царéви нашему́ Бóгу.

Приидите, поклонимся и припадём Христú, Царéви нашему́ Бóгу.

Приидите, поклонимся и припадём Самому́ Христú, Царéви и Бóгу нашему́.

Псалмы

Псалом 53

Бóже, во íмя Твое́ спаси́ мя, и в сýле Твое́й суди́ ми. Бóже, услы́ши моли́тву мою́, внуши́ глаго́лы уст моих. Я́ко чужди́и воста́ша на мя и крèпцыи взыска́ша ду́шу мою́, и не предложи́ша Бóга пред собою́. Се бо Бог помога́ет ми, и Господь заступник души́ мое́й. Отвратит злая́ враго́м моим, истиною́ Твое́ю потреби́ их. Волею́ пожру́ Тебе́, испове́мся имени́ Твоему́, Гóсподи, я́ко блага́, я́ко от всякия́ печáли изба́вил мя еси́, и на враги́ моя́ возре́ око́ мое́.

Псалом 54

Внуши́, Бóже, моли́тву мою́ и не презри́ моления́ моего́. Вонми́ ми и услы́ши мя: возскорбèх печáлию моею́ и смято́хся. От гла́са вра́жия и от стужения́ грéшника, я́ко уклони́ша на мя беззакóние и во гнèве враждова́ху ми. Сèрдце мое́ смяте́ся во мне и боя́знь смèрти нападе́ на мя. Страх и трéпет прииде́ на мя и покры́ мя тьма. И рех: кто даст ми криле́, я́ко голуби́не? И полещу́, и почи́ю? Се удалихся бèгая и водворихся в пусты́ни. Ча́ях Бóга, спаса́ющаго мя от малоду́шия и от бу́ри. Потопи́, Гóсподи, и раздели́ язы́ки их: я́ко видех беззакóние и пререка́ние во граде́. Днем и но́щию обы́дет и по стена́м его́. Беззакóние и труд посреде́ его́ и неправда. И не оскуде́ от стогн его́ ли́хва и лесть. Я́ко а́ще бы враг поноси́л ми, претерпéл бых у́бо, и а́ще бы ненави́дяй мя на мя́ велерече́вал, укры́л бых ся от него́. Ты же, челове́че равноду́шне, влады́ко мой и зна́емый мой, иже кúпно наслажда́лся еси́ со мно́ю бра́шен, в дому́ Бóжии ходи́хом единомышлèнием. Да приидет же смерть на ня, и да снiдут во ад жи́ви, я́ко лука́вство в жили́щах их, посреде́ их. Аз к Бóгу воззва́х, и Господь услы́ша мя. Вèчер и за́втра, и полудне́ повém, и возвещу́, и услы́шит глас мой. Изба́вит миром ду́шу мою́ от приближа́ющихся мне, я́ко во мно́зе бя́ху со мно́ю. Услы́шит Бог и смири́т я́, Сый прèжде век. Несть бо им изменèния, я́ко не убо́яшася Бóга. Простре́ ру́ку свою́ на воздая́ние, оскверни́ша завет Его́. Раздели́шася от гнèва лица́ Его́, и прибли́жишася сердца́ их, умя́кнуша словеса́ их па́че еле́а, и та суть стрéлы. Возвèрзи на Гóспода печáль твою́,

5 января, предпраздн РХ, Мучеников, иже в Крите

и Той тя препитаёт, не даст в век молвы праведнику. Ты же, Бóже, низведёши их во студенёц истлѣния, мѹжие кровей и лъсти не преполовѹт дней своих. Аз же, Гóсподи, уповаю на Тя.

Псалом 90

Живѹй в по́моци Вѹшняго, в кро́ве Бóга небѣснаго водворѣтся. Речѣт Гóсподеви: Застѹпник мой еси́ и прибежище моѣ, Бог мой, и уповаю на Него́. Яко Той изба́вит тя от сѣти ловчи и от словесѣ мятежна, плещма́ Своѣма осенѣт тя, и под криле́ Его́ наде́ешися: ору́жием обы́дет тя ѣстина Его́. Не убойшися от стра́ха но́чнаго, от стрелы́ летѹщая во дни, от вѣщи во тьме прехо́дящая, от сря́ща и бѣса полѹденнаго. Падѣт от страны́ твоея́ тѣсяща, и тьма одеснѹю тебе́, к тебе́ же не прибли́жится, оба́че очѣма твоѣма смóтриши и воздая́ние грѣшников ѹзриши. Яко Ты, Гóсподи, упова́ние моѣ, Вѹшняго положи́л еси́ прибежище твоѣ. Не при́дет к тебе́ зло, и рана́ не прибли́жится телеси́ твоему́, яко́ А́нгелом Своѣм заповѣсть о тебе́, сохра́нити тя во всех путѣх твоѣх. На рука́х возмут тя, да не когда́ преткне́ши о ка́мень но́гу твою́, на а́спида и васи́лиска настѹпиши, и попере́ши льва и зми́я. Яко на Мя упова́, и изба́влю ѣ, покрѹю ѣ, яко́ позна́ ѣмя Моѣ. Воззо́вет ко Мне, и услы́шу его́, с ним есмь в ско́рби, изму́ его́ и просла́влю его́, долгото́ю дней испо́лню его́ и явлю́ ему́ спасѣ́ние Моѣ.

Сла́ва Отцѹ́ и Сы́ну и Свято́му Дѹху, и ны́не и прѣсно и во вѣки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бóже *(Трижды)*.

Гóсподи, помѣлуй *(Трижды)*.

Тропари

Тропа́рь предпразднства Рождества́ Христо́ва, глас 4

Гото́вися, Вифле́еме,/ отве́рзися всем, Еде́ме,/ красѹйся, Евфра́фо,/ яко́ дре́во живота́ в верте́пе процветѣ́ от Дѣвы:/ рай бо О́ноя чре́во яви́ся мѣсленный,/ в нёмже Божѣственный сад,/ от него́же я́дше, жи́ви бѹдем,/ не, яко́же Ада́м, ѹмрем./ Христо́с ражда́ется прѣжде па́дший возста́вити о́браз.

Сла́ва Отцѹ́, и Сы́ну, и Свято́му Дѹху.

Тропа́рь мучеников, иже в Крите, глас 4

Мѹченицы Твоѣ́, Гóсподи,/ во страда́ниих своихъ венцы́ приѣша нетле́нныя от Тебе́, Бóга на́шего,/ ѣмущѣ́ бо крѣ́пость Твою́, мучѣ́телей низложи́ша,/ сокруши́ша и де́монов немощны́я дерзости./ Тех моли́твами/ спасѣ́ дѹши на́ша.

И ны́не, и прѣсно, и во вѣки веко́в. Ами́нь.

Богородичен: Яко́ не ѣмамы дерзнове́ния за премно́гия грехѣ́ на́ша, / Ты ѣже от Тебе́ Ро́ждшагося моли́, Богороди́це Дѣво, / мно́го бо мо́жет моле́ние Ма́тернее ко благо́сѣрдию Владѣ́ки. / Не прѣзри грѣшныхъ мо́льбы, Всечѣ́стая, / яко́ мѣлостивъ еси́ и спасти́ моги́й, / Уже и страда́ти о нас изво́ливый.

5 января, предпраздн РХ, Мучеников, иже в Крите

Скóро да предваря́т ны щедрóты Твоя́, Гóсподи, / я́ко обнища́хом зелó; / помо́зи нам, Бóже, Спа́се наш, / сла́вы ра́ди Ёмене Твоегó, Гóсподи, избáви нас / и очисти грехи́ на́ша, Ёмене ра́ди Твоегó.

Святýй Бóже, Святýй Кре́пкий, Святýй Безсме́ртный, помíлуй нас. *(Трижды)*

Сла́ва Отцý и Сы́ну и Святóму Дýху, и ны́не и прíсно и во ве́ки веко́в. Ами́нь.

Пресвятáя Трóице, помíлуй нас; Гóсподи, очисти грехи́ на́ша; Влады́ко, прости́ беззакóния на́ша; Святýй, посети́ и исцели́ немо́щи на́ша, ёмене Твоегó ра́ди.

Гóсподи, помíлуй. *(Трижды)*.

Сла́ва Отцý и Сы́ну и Святóму Дýху, и ны́не и прíсно и во ве́ки веко́в. Ами́нь.

О́тче наш, Ёже еси́ на Небесéх! Да святíтся ёмя Твое́, да приидет Цáрствие Твое́, да бóдет во́ля Твоя́, я́ко на Небеси́ и на земл́и. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должникомó на́шим; и не введи́ нас во искуше́ние, но избáви нас от лука́ваго.

Священник: Я́ко Твое́ есть Цáрство и сила и слава Отца и Сына и Святого Духа, ныне и присно и во веки веков.

Чтец: Ами́нь.

Кондак

Конда́к предпразднства Рождества́ Христо́ва, глас 3

Де́ва днесь Превéчное Сло́во/ в верте́пе грядёт родíти неизречéнно:/ ликýй, вселéнная, услы́шавши,/ просла́ви со А́нгелы и па́стырьми/ хотя́щаго яв́итися Отрочá Мла́до, Превéчнаго Бóга.

Гóсподи, помíлуй *(40 раз)*.

Ёже на вся́кое вре́мя и на вся́кий час, на Небеси́ и на земл́и, покланя́емый и сла́вимый, Христé Бóже, Долготерпелíве, Многомíлостиве, Многоблагóутрóбне, Ёже пра́ведныя любя́й и грéшныя мíлуяй, Ёже вся зовы́й ко спасéнию обеща́ния ра́ди бóдущих благ. Сам, Гóсподи, приими́ и на́ша в час сей моли́твы и испра́ви живóт наш к за́поведем Твоём, дýши на́ша освяти́, телеса́ очисти, помышлéния испра́ви, мýсли очисти и избáви нас от вся́кия скóрби, зол и болéзней, оградí нас святýми Твоёми А́нгелы, да ополчéнием их соблюда́еми и наставля́еми, достíгнем в соединéние ве́ры и в ра́зум непри́стýпныя Твоея́ сла́вы, я́ко благословéн еси́ во ве́ки веко́в, ами́нь.

Гóсподи помíлуй *(Трижды)*.

Сла́ва Отцý и Сы́ну и Святóму Дýху, и ны́не и прíсно и во ве́ки веко́в. Ами́нь.

Честнэйшую Херув́им / и сла́внейшую без сравнёния Сераф́им, / без ислéния Бóга Сло́ва ро́ждшую, / сýщую Богороди́цу, Тя велича́ем.

Ёменем Господ́ним благослови́, о́тче.

5 января, предпраздн РХ, Мучеников, иже в Крите

Священник: Молитвами святых отец наших, Господи, Иисусе Христе, Боже наш, помилуй нас.

Чтец: Аминь.

Молитва свт. Василия Великого

Боже и Господи сил и всея твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственныя сия и молебныя молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердец наших в словеса или помышления лукавствия, но любовью Твоею уязви души наша, да, к Тебе всегда взирающе и еже от Тебе светом наставляеми, Тебе, неприступнаго и присносущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков, аминь.

Божественная Литургия свт. Иоанна Златоуста

Тропари по входе

Тропарь пред-/попразднства

Тропарь предпразднства Рождества Христова, глас 4

Готовися, Вифлееме,/ отверзися всем, Едеме,/ красуйся,
Евфрафо,/ яко древо животя в вертепе процвете от Девы:/
рай бо Она чрево явися мысленный,/ в немже
Божественный сад,/ от негоже ядше, живи будем,/ не,
якоже Адам, умрем.// Христос раждается прежде падший
возставити образ.

Тропарь храма

Тропарь праздника/святого

Тропарь мучеников, иже в Крите, глас 4

5 января, предпраздн РХ, Мучеников, иже в Крите

Мученицы Твои, Господи, / во страданиях своих венцы
прияша нетленные от Тебе, Бога нашего, / имуще бо
крепость Твою, мучителей низложиша, / сокрушиша и
демонов немощныя дерзости. / Тех молитвами // спаси
души наша.

Кондак храма

Слава Отцу, и Сыну, и Святому Духу.

Кондак праздника/святого

Кондак мучеников, иже в Крите, глас 4

Денница возсия мучеников / честное страдальчество
предозаряющее нам в вертепе раждаемого: // Егоже Дева
безсеменно роди.

И ныне, и присно, и во веки веков. Аминь.

Кондак предпразднства Рождества Христова, глас 3

Дева днесь Превечное Слово / в вертепе грядет родити
неизреченно: / ликуй, вселенная, услышавши, / прослави
со Ангелы и пастырьми // хотящаго явиться Отроча Младо,
Превечнаго Бога.

Прокимен

Понедельник. Прокимен дня

Чтец: Прокимен, глас 4: Творяй ангелы Своя духи, / и слуги Своя пламень
огненный.

Лик: Творяй ангелы Своя духи, / и слуги Своя пламень
огненный.

Чтец: **Стих:** Благослови, душе моя, Господа, Господи Боже мой, возве-
личился еси зело.

5 января, предпраздн РХ, Мучеников, иже в Крите

Лик: Творяй ангелы Своя дүхи,/ и слуги Своя пламень
огненный.

Прокимен мучеников, иже в Крите

Чтец: Прокимен, глас 4: Святым, иже суть на земли Его,/ удиви Господь вся хотения Своя в них.

Лик: Святым, иже суть на земли Его,/ удиви Господь вся хотения Своя в них.

И чтец надписание Апостола: Ко Евреем послания святого Апостола Павла чтение.

И паки диакон: Вонмем.

Зачало 329А В понедельник 31-я недели. (Евр.11:17-23,27-31)

Братие, верою приведе Авраам Исаака искушаемь, и единороднаго приношаше, обетования приемый, к немуже глаголаше бысть: яко о Исааце наречет ти ся семя. Помыслив, яко и из мертвых воскресити силен есть Бог, темже того и в притчи прият. Верою о грядущих благословии Исаак Иакова и Исава. Верою Иаков умирая коегождо сына Иосифова благословии и поклонися на верх жезла его. Верою Иосиф умирая о исхождении сынов Израилевых памяствова и о костех своих заповеда. Верою Моисей родився сокровен бысть три месяцы от отец своих, зане видеша красно отроча и не убояшася повеления царева. Верою остави Египет, не убоявся ярости царевы, Невидимаго бо яко видя, терпяше. Верою сотвори Пасху и пролитие крове, да не погубляяй перворожденная коснется их. Верою преидоша Чермное море аки по сусе земли, егоже искушение приемше Египтяне истопишася. Верою стены Иерихонския падоша обхождением седмих дней. Верою Раав блудница не погибе с сопротивльшимися, приемши сходники с миром и иным путем изведши.

Под зачало:

Зачало 333А Во вторник 31-я недели. (Евр.12:25-26,13:22-25)

Блудите же, да не отречетесь Глаголющаго. Аще бо не избежаша они отрещиися пророчествующаго на земли, множае паче мы отрицающися Небеснаго, Егоже глас землю тогда поколеба, ныне же обетова, глаголя: еще единою Аз потрясу не токмо землю, но и небом. Молю же вы, братие, примите слово утешения, ибо в мале написав послах вам. Знайте брата нашего отпущена Тимофея, с нимже, аще скорее приидет, узрю вас. Целуйте вся наставники ваша и вся святые. Целуют вы иже от Италии сущии. Благодать со всеми вами. Аминь.

мучеников, иже в Крите:

5 января, предпраздн РХ, Мучеников, иже в Крите

Зачало 233 Неделя 27.Сие же и в субботу по Просвещении. (Еф.6:10-17)

Братие, возмогайте о Господе и в державе крепости Его, облецытеся во вся орудия Божия, яко возмощи вам стати противу кознем диавольским, яко несть наша брань к крови и плоти, но к началом и ко властем и к миродержителем тмы века сего, к духовом злобы поднебесным. Сего ради примите вся орудия Божия, да возможете противитися в день лют и вся содеявше стати. Станите убо препоясани чресла ваша истиною, и обокшеша в броня правды, и обувше нозе во уготование благовествования мира, над всеми же восприимше щит веры, в немже возможете вся стрелы лукаваго разжженныя угасити. И шлем спасения восприимите, и меч духовный, иже есть глагол Божий.

Чтец: Аллилуиа. Аллилуиа. Аллилуиа, глас 8.

Понедельник. Аллилуиарий дня

Чтец: Хвалите Господа, вси ангели Его, хвалите Его, вся силы Его.

Лик: Аллилуиа. Аллилуиа. Аллилуиа.

Чтец: Стих: Яко Той рече и быша, Той повеле и создашася.

Лик: Аллилуиа. Аллилуиа. Аллилуиа.

Аллилуиарий мучеников, иже в Крите

Чтец: Возваша праведнии, и Господь услыша их, и от всех скорбей их избави их.

Лик: Аллилуиа. Аллилуиа. Аллилуиа.

Причастны

Творяй Ангелы Своя духи и слуги Своя пламень огненный.

Радуйтеся, праведнии, о Господе, правым подобает похвалы.

Аллилуиа. Аллилуиа. Аллилуиа.